

# Ibitabo byakoreshejwe mu Gatabo k'Iteraniro ry'Umurimo

## 1-7 WERURWE

### UBUTUNZI BWO MU IJAMBO RY'IMANA | KUBARA 7-8

**"Amasomo tuvana ku nkambi y'Abisirayeli"**

**it-1 497 par. 3**

**Itorero**

Muri Isirayeli abagabo babaga bafite inshingano ni bo bahagarariraga ishyanga ryose (Ezr 10:14). Ni yo mpamvu ihema ry'ibonaniro rimaze gushingwa ‘abatware b’imiryango y’Abisirayeli’ ari bo bazanye amaturo (Kb 7: 1-11). Nanone mu gihe cya Nehemiya abatambyi, Abalewi n’“abatware ba rubanda” ni bo banyize ikashe ku ‘byemezo bidakuka’ byari byafashwe, kuko ari bo bari bahagarariye ishyanga (Nh 9:38-10:27). Igihe Abisirayeli bari mu butayu, hari “abatware b’iteraniro, bahamagarwaga mu iteraniro, abagabo bari ibyamamare.” Muri abo, hari abagera kuri 250 bifatanyije na Kora, Datani, Abiram na Oni kugira ngo barwanye Mose na Aroni (Kb 16:1-3). Nanone Yehova yategetse Mose gutoranya abakuru b’Abisirayeli 70 kugira ngo ‘bamufashe kwikorera umutwaro w’abantu’ kuko atari gukomeza kuwikorera wenylene (Kb 11:16, 17, 24, 25). Mu Balewi 4:15 na ho havugwamo “abakuru b’iteraniro.” Ubwo rero, uko bigaragara ishyanga rya Isirayeli ryabaga ri-hagarariwe n’abakuru ba Isirayeli, abakuru b’imiryango, abacamanza n’abatware.—Kb 1:4, 16; Ys 23:2; 24:1.

**it-2 796 par. 1**

**Rubeni**

Mu nkambi ya Isirayeli, umuryango wa Rubeni, uwa Simeyoni n’uwa Gadi, yakambikaga mu magepfo y’ihema ry’ibonaniro. Iyo Abisirayeli babaga bagiye, iyo miryango itatu ihagarari-

we n’umuryango wa Rubeni ni yo yakurikiraga umuryango wa Yuda, uwa Isakari n’uwa Zabuloni (Kb 2:10-16; 10:14-20). Uko ni na ko iyo miryango yakurikiranye itanga amaturo igihe batahaga ihema ry’ibonaniro.—Kb 7:1, 2, 10-47.

**w04 1/8 25 par. 1**

**Ingingo z’ingenzi z’ibikubiye  
mu gitabo cyo Kubara**

**8:25, 26.** Kugira ngo imyanya y’Abalewi ibone abayikoramo bashoboye, kandi bazirikane abakuze, abagabo bashaje bategekwaga kwegura ku mirimo babaga bategetswe. Icyakora, bashoboraga gufasha abandi Balewi ku bushake bwabo. N’ubwo muri iki gihe nta mubwiriza w’Ubwami ufata ikiruhuko cy’iza bukuru, ihame rikubiye muri iryo tegeko ritwigisha isomo ry’ingirakamaro. Niba hari Umukristo utagishobora gusohozza inshingano runaka bitewe n’iza bukuru, ashobora kwifatanya mu mirimo ihuje n’ubushobozi bwe.

**Gucukumbura ibantu by’agaciro  
byo mu Ijambo ry’Imana**

**it-1 835**

**Umwana w’imfura**

Abahungu b’imfura b’Abisirayeli ni bo babaga abatware b’imiryango. Ubwo rero, ni bo bahagarariraga ishyanga ryose. Nanone Yehova yabonaga ko ishyanga ryose rya Isirayeli ari “imfura” ye bitewe n’isezerano yagiranye na Aburahamu (Kv 4:22). Kubera ko Yehova yarokoye abana b’imfura b’Abisirayeli, yategetse ko “uburiza bwose bw’igitsina gabon” mu Bisirayeli, mu bantu no mu matungo,” bwezwa bukaba ubwe (Kv 13:2). Ni yo mpamvu abahungu b’imfura babaga ari aba Yehova.

## **8-14 WERURWE**

**UBUTUNZI BWO MU IJAMBO RY'IMANA | KU-BARA 9-10**

**"Uko Yehova ayobora abagaragu be"**

**it-1 398 par. 3**

**Inkambi**

Ukuntu inkambi y'Abisirayeli yimukaga byagaragazaga ko bagenderaga kuri gahunda ihambaye. (Mu Kubara igice cya 33, Mose yavuze ko bakambitse inshuro zigera kuri 40.) Iyo igicu cyagumaga hejuru y'ihema ry'ibonaniro, inkambi yagumaga aho iri. Iyo icu gicu cyavaga hejuru y'ihema, Abisirayeli bahitaga bagenda. Bibiliya igira iti: "Abisirayeli bahagurukaga ari uko Yehova abibategetse, kandi bagakambika ari uko Yehova abibategetse" (Kb 9:15-23). Impanda ebyiri zari zicuze mu ifeza ni zo bifashishaga bamenyesha abantu ibyo Yehova yabaga ashaka ko bakora (Kb 10:2, 5, 6). Iyo bavuzaga izo mpanda mu ijwi rihindagurika, byabaga bigaragaza ko inkambi igiye kwimuka. Ubwo rero bimutse ku nshuro ya mbere "ku munsi wa makumyabiri w'ukwezi kwa kabiri mu mwaka wa kabiri," ni ukuvuga mu wa 1512 Mbere ya Yesu. Iyo isanduku y'isezerano yagendaga, hakurikiragaho imiryango itatu. Habanzaga umuryango wa Yuda, hagakurikiraho uwa Isakari hanyuma hakaza uwa Zabuloni. Nyuma yabo hazaga Abagerushoni n'Abamerari batwaye ihema. Hakurikiragaho indi miryango itatu, hakabanza uwa Rubeni, hagakurikiraho uwa Simeyoni hanyuma hakaza uwa Gadi. Hakurikiraho Abakohati babaga batwaye ibantu byera, bagakurikirwa n'indi miryango itatu, uwa Efurayimu, uwa Manase n'uwa Benyamini. Hanyuma hakurikiragaho indi miryango itatu. Habanzaga uwa Dani, hagakurikiraho uwa Asheri n'uwa Nafutali. Iyo miryango ni

yo yahagurukaga bwa nyuma. Ubwo rero, imiryango yahagurukaga bwa mbere n'i-yahagurukaga nyuma ni iyari igizwe n'abantu bensi kandi b'abanyambaraga.—Kb 10: 11-28.

**w11 15/4 4-5**

**Ese ubona ikimenyetso cy'uko**

**Imana iyobora uwkoko bwayo?**

Twagaragaza dute ko twishimira ubuyobozzi bw'Imana? Intumwa Pawulo yaravuze ati "mwumvire ababayobora kandi muganduke" (Heb 13:17). Ibyo si ko buri gihe biba byoroshye. Reka dufate urugero: gerageza kwishyira mu mwanya w'Umwisirayeli wo mu gihe cya Mose. Tekereza umaze kugenda igihe runaka maze ya nkingi igahagarara. Izahagarara igihe kingana iki? Ese izamara umunsi umwe? Icyumweru se? Cyangwa izamara amezi runaka? Uribajije uti "ese mpakurure ibantu byanjye?" Ushobora kubanza gukuramo ibyo ukunda gukenera. Ariko kandi, nyuma y'iminsi mike wumvise urambiwe guhora ushaka mu bintu bigipakiye, noneho utangira gupakurura ibantu byose. Ariko igihe wari hafi kurangiza gupkurura ugiye kubona ubona ya nkingi iragiye, none ugomba kongera gupakira! Ibyo ntibyakorohera cyangwa ngo wumve bigushimishije. Nyamara, Abisirayeli bagombaga 'guhita bahaguruka bakagenda.'—Kub 9:17-22.

None se tubyifatamo dute iyo duhawe ubuyobozzi buturuka ku Mana? Ese 'duhita' tubukurikiza? Cyangwa dukomeza gukora ibantu nk'uko twari dusanzwe tubikora? Ese tuzi neza amabwiriza ahuje n'igihe, urugero nk'arebana no kwigisha abantu Bibiliya, kubwiriza abantu bavuga indimi z'amahanga, kwifatanya buri gihe muri gahunda y'iby'umwuka mu muryango, gukorana na Komite Zishinzwe Guhuza Abarwayi n'Abaganga no kwitwara neza mu gihe cy'amakorani-

ro? Nanone kandi, tugaragaza ko twishimira ubuyobozi bw'Imana twemera inama. Iyo hari imyanzuro ikomeye tugomba gufata, ntitiwiringira ubwenge bwacu ahubwo dushakira ubuyobozi kuri Yehova n'umuteguro we. Kandi nk'uko umwana ahungira ku babyeyi be iyo haje inkubi y'umuyaga, natwe iyo duhuye n'ibibazo byo muri iyi si bimeze nk'imirvura y'amahindu irimo inkuba n'imirabyo, dushakira ubuhungiro mu muteguro wa Yehova.

**Gucukumbura ibantu by'agaciro  
byo mu Ijambo ry'Imana**

**it-1 199 par. 3**

**Iteraniro**

**Akamaro guteranira hamwe.** Yehova yari yarategetse ko Abisirayeli bizihiha Pasika buri mwaka, ashaka kutwerekwa akamaro ko guteranira hamwe kugira ngo atwigishe mu buryo bwuzuye. Iyo umugabo yabaga adahumanye kandi ntabe yaragiye mu rugendo rwa kure, maze akirengagiza kwizihiza Pasika, yaricwaga (Kb 9:9-14). Igihe Umwami Hezekiya yasabaga Abayuda n'Abisirayeli kuza i Yerusalem kwizihiza Pasika, yarababwiye ati: "Bantu bo muri Isirayeli, nimugarukire Yehova. . . . Ntimugamike ijosi nk'uko ba sokuruza babigenje. Nimugandukire Yehova, muze mu rusengero rwe yejeje kugeza ibihe bitarondoreka, mukorere Yehova Imana yanyu kugira ngo abakureho uburakari bwe bugurumana, . . . kuko Yehova Imana yanyu ari Imana y'impuhwe n'imbabazi, kandi akaba atazabatera umugongo nimumugarukira" (2Ng 30:6-9). Iyo umuntu yangaga kumvira iryo tegeko ku bushake, byagaragazaga ko yanze Yehova. Nubwo hari iminsi mikuru Abakristo batakizihiza, urugero nka Pasika, intumwa Pawulo yabateye inkunga yo kutirengagiza guteranira hamwe.

Yaravuze ati: "Nimucyo kandi tujye tuzirikanana kugira ngo duterane ishyaka ryo gukundana no gukora imirimo myiza, tutirengagiza guteranira hamwe nk'uko hari bamwe babigize akamenyero, ahubwo duterane inkunga kandi turusheho kubigenza dutyo uko mubona urya munsi ugenda wegereza."—Hb 10:24, 25.

## **15-21 WERURWE**

### **UBUTUNZI BWO MU IJAMBO RY'IMANA | KUBARA 11-12**

**"Kuki tugomba kwirinda ingeso yo kwitotomba?"**

**w01 15/6 17 par. 20**

**Ntimube abumva bakibagirwa**

<sup>20</sup> Umubare munini w'Abakristo ntibigera bagwa mu busambanyi. Icyakora, tugomba kuba maso kugira ngo tutirekura tukagira ingeso yo kwitotomba hato na hato, ingeso ishobora gutuma tutemerwa n'Imana. Pawulo atugira inama agira ati: "Ntitukagerageze Yehova nk'uko bamwe bamugerageje, bakarimbuka bariwe n'inzoka. Ntimukitotombe, nk'uko bamwe muri bo bitotombye bakicwa n'umurimbuzi" (1 Abakorinto 10:9, 10). Abisirayeli bitotombye Mose na Aroni —ni koko, ndetse bitotombera Imana ubwayo —bitotombera manu bahabwaga mu buryo bw'igitangaza (Kubara 16:41; 21:5). Mbese, Yehova yaba atarababajwe cyane n'imyifatire yabo yo kwitotomba nk'uko ybabajwe no kuba barasambanye? Inkuru ya Bibiliya igaragaza ko abantu benshi bitotombye bishe n'inzoka (Kubara 21:6). Mbere y'aho gato, abantu 14.700 b'ibyigomeke bitotombye bararimbutse (Kubara 16:49). Ku bw'ibyo, ntitukagerageze ukwihangana kwa Yehova dusuzugura ibyo yaduteganyirije.

w06 15/7 15 par. 7

### Mwirinde ‘kwitotomba’

7 Mbega ukuntu Abisirayeli bari barahindutse! Mbere yaho, ibyishimo bagize ubwo Yehova yabavanaga mu Misiri akabambutsa Inyanja Itukura, byatumye bamuririmbira ishimwe (Kuva 15:1-21). Ariko kandi, ubwo bumvaga batamerewe neza mu butayu kandi batinye Abanyakanaani, bya byishimo byabo byasi-mbuwe no kwinuba. Aho gushimira Imana umudendezo yari yarabahaye, batangiye kuyikoma bavuga ko hari ibyo yabimye. Kwitotomba rero byagaragazaga ko batashimiraga Yehova ibyo yabahaga. Ntibitangaje kuba yaravuze ati: “Iri teraniro ry’abantu babi rizakomeza kunyitotombera kugeza ryari?” —Kubara 14:27; 21:5.

it-2 719 par. 4

### Gutongana

**Kwitotomba.** Kwitotomba bica abandi integre. Abisirayeli bamaze igihe gito bavuye muri Egiputa, bitotombeye Yehova bigomeka ku bo yari yarashyizaho ngo babayobore, ari bo Mose na Aroni (Kv 16:2, 7). Iyo ngeso yo kwitotomba yaje gutuma Mose acika integre ku buryo yifuje gupfa (Kb 11:13-15). Kwitotomba bishobora no gutuma uwitotomba apfa. Yehova yabonaga ko abantu bitotomberaga Mose, ari we babaga bigometseho (Kb 14:26-30). Abisirayeli benshi bapfuye bazira kwitotomba.

**Gucukumbura ibintu by’agaciro**

**byo mu Ijambo ry’Imana**

it-2 309

### Manu

**Uko yari imeze.** Manu yasaga n’utubuto duto tw’umweru kandi imeze nk’amariragege. Nanone yaryohaga “nk’utugati turimo ubuki” cyangwa “utugati turyohereye dutekanywe n’amavuta.” Iyo bamaraga kuyisya

cyangwa kuyisekura, barayitekaga cyangwa bakayikoramo utugati bakatwotsa.—Kv 16:23, 31; Kb 11:7, 8.

## 22-28 WERURWE

**UBUTUNZI BWO MU IJAMBO RY’IMANA | KUBARA 13-14**

**“Ukwizera gutuma tugira ubutwari”**

w06 1/10 16-17 par. 5-6

**Kwizera no gutinya Imana bituma tugira ubutwari**

5 Icyakora, babiri muri abo batasi, ari bo Yosuwa na Kalebu, bifuzaga cyane kujya mu Gihugu cy’lsezerano. Baravuze bati: “Tuzabarya nk’umugati. Ntibafite ikibakingira, kandi Yehova ari kumwe natwe. Ntimubatinye” (Kubara 14:9). Ese icyizere cya Yosuwa na Kalebu nta shingiro cyari gifite? Oya. Bo hamwe n’abari bagize ishyanga ryose, bari bariboneye ukuntu Yehova yacishije bugufi ishyanga rya Egiputa ryari igihangange ndetse n’ibigirwamana byaryo, igihe yaritezaga Ibyago Cumi. Nanone biboneye ukuntu Yehova yaroshye Farawo n’ingabo ze mu Nyanja Itukura (Zaburi 136:15). Biragaragara neza ko ubwoba ba batasi icumi bari bafite hamwe n’ababumiye bose nta shingiro bwari bufite. Yehova yagaragaje agahinda kensi byamuteye agira ati: “Bazareka kunyizera bageze ryari n’ibimenyetso byose nakoreye muri bo?” —Kubara 14:11.

6 Yehova yagaragaje aho umuzi w’icyo kibazo wari uri: kuba barahiye ubwoba byagaragaje ko batari bafite ukwizera. Koko rero, kwizera n’ubutwari bifitanye isano cyane, ku buryo intumwa Yohana yanditse ibirebana n’itorero rya gikristo n’intambara yo mu buryo bw’umwuka rigomba kurwana agira ati: “Uku ni ko gutsinda kwanesheje isi: ni ukwizera

kwacu” (1 Yohana 5:4). Muri iki gihe, ukwizera nk’ukwa Yosuwa na Kalebu kwatumye Abahamya ba Yehova barenga miriyoni eshesatu, abato n’abakuru, abafite imbaraga nyinshi n’abafite imbaraga nke, babwiriza ubutumwa bwiza bw’Ubwami ku isi hose. Nta mwanzo n’umwe wabashije gucekesha uwo mutwe w’ingabo zikomeye kandi z’intwari.—Abaroma 8:31.

### **Gucukumbura ibantu by’agaciro byo mu Ijambo ry’Imana**

**it-1 740**

#### **Igihugu Imana yahaye Abisirayeli**

IGIHUGU Imana yahaye Abisirayeli cyari kiza rwose. Igihe Mose yoherezaga abatasi ngo bage gutata Igihugu k’lsezerano kandi akabasaba kuzana zimwe mu mbuto zaho, bazanye imitini, amakomamanga n’iseri ry’imizabibu ryari rinini cyane, ku buryo ryaje rihetswe n’abagabo babiri. Nubwo bagize ubwoba bitewe no kubura ukwizera, baravuze bati: “Koko twasanze ari igihugu gitemba amata n’ubuki.”—Kb 13:23, 27.

## **29 WERURWE-4 MATA**

### **UBUTUNZI BWO MU IJAMBO RY’IMANA | KUBARA 15-16**

#### **“Jya wirinda ubwibone no kwiyiringira”**

**w11 15/9 27 par. 12**

#### **Ese Yehova arakuzi?**

<sup>12</sup> Nyamara mu gihe ishyanga rya Isirayeli ryari mu nzira rigana mu Gihugu cy’lsezerano, hari ikintu Kora yatekereje ko kitagendaga neza mu birebana n’uko iryo shyanga ryayoborwaga. Hanyuma abandi bantu 250 bari abatware b’iteraniro bifatanyije na we kugira ngo bagire icyo bahindura. Kora na bagenzi be bagomba kuba barumvaga bafitanye imishyikirano myiza na Yehova. Babwiye Mose

bati “turabarambiwe, kuko abagize iteraniro bose ari abera kandi Yehova akaba ari hagati muri bo” (Kub 16:1-3). Mbega ukuntu biyemeraga bakaba n’abibone! Mose yarababwiye ati “Yehova azagaragaza uwe uwo ari we.” (**Soma mu Kubara 16:5.**) Umunsi wakurikiyeho wagiye kurangira Kora n’abafatanyije na we kwigomeka bamaze gupfa.—Kub 16:31-35.

**w11 15/9 27 par. 11**

#### **Ese Yehova arakuzi?**

<sup>11</sup> Mose na Kora bagaragaje imyifatire itandukanye cyane mu birebana no kubaha gahunda ya Yehova n’imyanzuro ye. Uko bittwaye byagize ingaruka ku buryo Yehova yababonaga. Kora yari Umulewi w’Umukohati wiboneye ibantu byinshi Yehova yakoze, kandi yari afite n’inshingano nyinshi. Ashobora kuba yarabonye ukuntu ishyanga rya Isirayeli ryambutse Inyanja Itukura, agashiyigikira urubanza Yehova yaciriye Abisirayeli bigometse ku musozi wa Sinayi, kandi akaba yari mu bari bafite inshingano yo gutwara isanduku y’lsezerano (Kuva 32:26-29; Kub 3:30, 31). Uko bigaragara, yari yarabereye Yehova indahemuka mu gihe cy’imyaka myinshi, bikaba byaratumaga Abisirayeli benshi bamwubaha.

### **Gucukumbura ibantu by’agaciro byo mu Ijambo ry’Imana**

**w98 1/9 20 par. 1-2**

### **Reba Neza ko Ushyira Ibantu by’Ingenzi mu Mwanya wa Mbere!**

Yehova we, yabonaga ko ibyo bintu bikomeye cyane. Bibiliya igira iti: “Yehova abwira Mose ati: ‘uwo muntu agomba kwicwa’” (Kubara 15:35). Kuki Yehova yagize ibiyumvo bikaze bityo ku bihereranye n’ibyo uwo muntu yari yakoze?

Ubwo bwoko bwari bufite iminsi itandatu yose yo gutoragura inkwi, no kwita ku byo

bwari bukeneye mu bihereranye n'ibyo kurya, imyambaro n'aho kuba. Umunsi wa kardinwi wagombaga guharirwa ibyo bwabaga bukeneye mu buryo bw'umwuka. N'ubwo gutoragura inkwi bitari bibi, kuzitoragura mu gihe cyagombaga guharirwa gusenga Yehova byari bibi. N'ubwo Abakristo batagengwa n'Amategeko ya Mose, mbese, ibyo bintu byabaye ntibiduha isomo mu bihereranye no kugena mu buryo bukwiriye ibantu bigomba gukorwa mbere y'ibindi muri iki gihe?—Abafili 1:10.

## 5-11 MATA

### UBUTUNZI BWO MU IJAMBO RY'IMANA | KUBARA 17-19

**"Ni jye murage wawe"**

w11 15/9 13 par. 9

**Ese Yehova ni umugabane wawe?**

<sup>9</sup> Tekereza ku Balewi batigeze bahabwa gakondo. Kubera ko gahunda y'ugusenga k'ukuri ari yo bashyiraga mu mwanya wa mbere, bagombaga kwiringira ko Yehova yari kubaha ibyo bakeneye, kuko yababwiye ati 'ni jye mu-gabane wanyu' (Kub 18:20). Nubwo tudakora mu rusengero nyarusengero nk'abatambyi n'Abalewi, dushobora kubigana twiringira ko Yehova azaduha ibyo dukeneye. Uko imperuka igenda irushaho kwegereza, ni na ko tugomba kurushaho kwiringira ko Imana ifite ubushobozzi bwo kuduha ibyo dukeneye.—Ibyah 13:17.

w11 15/9 7 par. 4

**Yehova ni umugabane wanje**

<sup>4</sup> Kuba Abalewi barahawe iyo nshingano byasobanuraga iki? Yehova yavuze ko yari kuba umugabane wabo, kuko aho guhabwa gakondo nk'abandi, bo bahawe inshingano y'agaciro katagereranywa. 'Umurimo w'u-butambyi bakoreraga Yehova' ni wo wariumrage wabo (Yos 18:7). Amagambo akikije

ari mu Kubara 18:20 agaragaza ko ibyo bitatumye baba abakene. (**Soma mu Kubara 18:19, 21, 24.**) Abalewi bagombaga guhabwa 'kimwe cya cumi ho umurage mu Bisirayeli ngo kibabere igihembo cy'umurimo bakoraga.' Bari guhabwa kimwe cya cumi cy'umusaruro w'Abisirayeli na kimwe cya cumi cy'amatungo yabo. Abalewi na bo bagombaga gutanga kimwe cya cumi cy'ibyo babaga bahawe, bagatanga 'ibirusha ibindi kuba byiza' kugira ngo bafashe abatambyi (Kub 18:25-29). Nanone, abatambyi bahabwaga "amaturo yera yose" Abisirayeli baturaga Imana aho bayisengeraga. Ku bw'ibyo, abatambyi bari bafite impamvu yumvikana yo kwiringira ko Yehova yari kubitsaho.

**Gucukumbura ibantu by'agaciro  
byo mu Ijambo ry'Imana**

g02 8/6 14 par. 2

**Umunyu ufite agaciro**

Umunyu wari ikimenyetso kigaragaza ko ibantu bihamye kandi bizaramba. Ni yo mpamvu muri Bibiliya "isezerano ridakuka" nanone ryitwaga isezerano ry'umunyu. Abagiranaga iryo sezerano basangiraga ibyokurya n'umunyu kugira ngo bagaragaze ko bahamije iryo sezerano (Kubara 18:19). Mu gihe cy'Amategeko ya Mose ibitambo byongewagamo umunyu kuko wagereranyaga kutangirika cyangwa kutabora.

## 12-18 MATA

### UBUTUNZI BWO MU IJAMBO RY'IMANA | KUBARA 20-21

**"Jya ukomeza kwicisha bugufi mu gihe hari  
abagutesheje umutwe"**

w19.02 12 par. 19

**Nitwicisha bugufi, tuzashimisha Yehova**

<sup>19</sup> **Biturinda gukora amakosa.** Reka twongere dusuzume ibyabaye kuri Mose. Yamaze

imyaka myinshi yicisha bugufi kandi akora ibishimisha Yehova. Icyakora igihe Abisirayeli bari bamaze imyaka hafi 40 bazerera mu butayu, yananawi kwicisha bugufi. Hari hashize igihe gito mushiki we apfuye, bamuhamba i Kadeshi. Uwo mushiki we ashobora kuba ari we warokoye ubuzima bwe muri Egiputa. Icyo gihe Abisirayeli bongeye kwitotomba bavuga ko bari babayeho nabi. ‘Batonganyije Mose’ bamuziza ko bari babuze amazi. Nubwo Yehova yari yarakoze ibitangaza byinshi binyuze kuri Mose kandi Mose akaba yari amaze igihe kinini abayobora neza, ntibabujije kwitotomba. Ntibitotombeye gusa ko babuze amazi, ahubwo banitombeye Mose nk’aho ari we watumye bicwa n’inyota.—Kub 20:1-5, 9-11.

### w19.02 13 par. 20-21

#### Nitwicisha bugufi, tuzashimisha Yehova

<sup>20</sup> Mose yararakaye cyane, ananirwa kwicisha bugufi. Aho kugira ngo agaragaze ukwizera abwire urutare ngo ruzane amazi nk’uko Yehova yari yabimubwiye, yatonganyije abantu, kandi ababwira ko agiye kubakorera igitangaza. Hanyuma yakubise urutare inshuro ebyiri, ruvamo amazi menshi. Ubwibone n’uburakari byatumye akora ikosa rikomeye (Zab 106:32, 33). Kuba yarananiwe kwicisha bugufi mu gihe gito gusa, byamubujije kwinjira mu Gihugu k’lsezerano.—Kub 20:12.

<sup>21</sup> Ibyabaye kuri Mose bitwigisha byinshi. Icyo mbere, tugomba guhatana kugira ngo dukomeze kwicisha bugufi. Turamutse duteshutse ntidukomeze kwicisha bugufi, n’iyo byaba akanya gato, ubwibone bushobora kutuganza, bikaba byatuma tuvuga cyangwa tugakora ibintu by’ubupfapfa. Icyo kabiri, kwicisha bugufi birushaho kutugora mu gihe duhangayitse. Bityo rero, tuge twihatira gukomeza kwicisha bugufi no mu gihe duhangayitse.

### w09 1/9 19 par. 5

#### Egera Imana Umucamanza utabera

Mbere na mbere, Imana ntiyari yasabye Mose kuvugisha iteraniro ry’Abisirayeli, uretse no kubacira urubanza abita ibygomeke. Icyo kabiri, Mose na Aroni ntibigeze bahesha Imana icyubahiro. Yarababwiye iti ‘ntimwerekanye kwera kwanje’ (Umurongo wa 12). Igihe Mose yavugaga ati “twabakuriramo amazi,” yabivuze nk’aho we na Aroni ari bo bari batanzé ayo mazi mu buryo bw’igitangaza, aho kuba Imana. Icyo gatatu, ni uko urwo rubanza baciriwe rwari ruhuje n’izindi Imana yaciye mu gihe cyashize. Imana yari yaranze ko Abisirayeli bigometse babayeho mbere yaho binjira mu gihugu cya Kanani, kandi Mose na Aroni na bo bahawe igihano nk’icyo (Kubara 14:22, 23). Icyo kane, ni uko Mose na Aroni ari bo bayoboraga Abisirayeli. Abantu bafite inshingano nyinshi, na bo babazwa n’Imana ibintu byinshi.—Luka 12:48.

#### Gucukumbura ibintu by’agaciro byo mu Ijambo ry’Imana

### w14 15/6 26 par. 12

#### Ese ubona intege nke z’abantu nk’uko Yehova azibona?

<sup>12</sup> Yehova aba yarahise ahanira Aroni ayo makosa yose. Arikoyabonye ko Aroni atari umuntu mubi, kandi ko atari we wari nyirabayazana w’ayo makosa. Uko bigaragara, imimerere Aroni yarimo n’amoshya y’abandi ni byo byatumye adakora ibikwiriye. Arikoy kandi, igihe yabwirwaga ko yakoze amakosa yahise abyemera kandi ashyigikira umwanzuro Yehova yari yafashe (Kuva 32:26; Kub 12:11; 20:23-27). Yehova yahisemo kwibanda ku kwizera kwa Aroni n’ukuntu yagaragazaga ko yicujije. Nyuma y’ibinyejana byinshi, Aroni n’abamukomotseho bari bacyibukwaho ko batinyaaga Yehova.—Zab 115:10-12; 135:19, 20.

## 19-25 MATA

**UBUTUNZI BWO MU IJAMBO RY'IMANA | KUBARA 22-24**

**“Yehova yahinduye umuvumo umugisha”**

**bt 53 par. 5**

**Gutangaza “ubutumwa bwiza bwerekkeye Kristo”**

5 Nk’uko byari bimeze mu kinyejana cya mberre, no muri iki gihe abagize ubwoko bw’lmana ntibigeze bacecekeleshwa n’ibitotezo byabagezeho ngo bahagarike umurimo wo kubwiriza. Incuro nyinshi, iyo Abakristo bahatirwaga kuva ahantu hamwe bakaja ahandi, haba muri gereza cyangwa mu kindi gihugu, byatumaga ubutumwa bw’Ubwami bugera ku bantu bo muri utwo turere dushya. Urugero, mu Ntambara ya Kabiri y’Isi Yose, Abahamya ba Yehova bashoboye kubwiriza mu bigo by’Abanazi byakoranyirizwagamo imfungwa. Umuyahudi wahuriye n’Abahamya muri ibyo bigo agira ati “kubona ukuntu Abahamya ba Yehova bari bafunzwe bari bashikamye, byanyemeje ko ukwizera kwabo kwari gushengniye ku Byanditswe, kandi byatumye nanjye mba Umuhamya.”

**it-2 291**

**Ubusazi**

**Kurwanya Yehova ni ubusazi.** Umuhanuzi Balamu yagaragaje ubupfapfa igihe yemeraga kuvuma Abisirayeli, kugira ngo abone amafaranga Balaki umwami w’Abamowabu yari yamwemereye. Icyakora Yehova yaburijemo uwo mugambi mubi. Intumwa Petero yanditsse ibyabaye kuri Balamu agira ati: “Itungo riheka imizigo ritavuga, ryavuze mu ijwi ry’umuntu, ribuza uwo muhanuzi gukomeza inzira ye y’ubusazi.” Igihe Petero yasobanuraga igikorwa cy’ubusazi cya Balamu, yakoresheje ijambo ry’lkigiriki pa-ra-phro-ni’ā, risobanurwa

ngo: “Guta umutwe.”—2Pt 2:15, 16; Kb 22:26-31.

**Gucukumbura ibintu by’agaciro  
byo mu Ijambo ry’lmana**

**w04 1/8 27 par. 2**

**Ingingo z’ingenzi z’ibikubiye mu gitabo  
cyo Kubara**

**22:20-22—Kuki uburakari bwa Yehova bwagurumiye Balamu?** Yehova yari yabwiye Balamu ko atagombaga kuvuma Abisirayeli (Kubara 22:12). Ariko uwo muhanuzi yabirenzeho ajyana n’abagaragu ba Balaki, iyemeje rwose kujya kuvuma Abisirayeli. Balamu yashakaga gushimisha umwami w’Abamowabu, kugira ngo amwihere ingororano (2 Petero 2:15, 16; Yuda 11). Ndetse n’igihe Balamu yahatirwaga guha umugisha Abisirayeli aho kubavuma, yashatse ukuntu yakwikundisha ku mwami amugira inama y’uko abagore basenga Bayali bakoreshwu bagashuka abagabo b’Abisirayeli (Kubara 31:15, 16). Ubwo rero, icyatumye uburakari bw’lmana bugurumanira Balamu, ni ukubera ko uwo muhanuzi yari afite umururumba mubi.

## 26 MATA-2 GICURASI

**UBUTUNZI BWO MU IJAMBO RY'IMANA | KUBARA 25-26**

**“Ushobora gukora ibitandukanye  
n’iby’abandi”**

**Ivs 118 par. 1-2**

**“Muhunge ubusambani”**

REKA tuvuge ko umurobyi agiye kuroba amafi. Ashyize icyambo ku rurobo maze arujugunya mu mazi. Arategereje, maze ifi iraza irya cya cyambo, irafatwa, arayizamura.

<sup>2</sup> Abantu na bo bashobora kugwa mu mutege nk’uwo. Urugero, igihe Abisirayeli bari hafi

kugera mu Gihugu k'Isezerano, bakambitse mu Bibaya by'i Mowabu. Umwami w'i Mowabu yasabye Balamu kuvuma Abisirayeli, maze amwemerera ko azamuhemba amafaranga menshi. Amaherezo, Balamu yabonye uko yagusha Abisirayeli mu mutego, bakikururira umuvumo. Yahisemo abyitondeye amayeri yakoresha. Yohereje Abamowabukazi mu nkambi y'Abisirayeli, kugira ngo bareshye abagabo.—Kubara 22:1-7; 31:15, 16; Ibyahishuwe 2:14.

#### **Ivs 119 par. 4**

#### **"Muhunge ubusambanyi"**

<sup>4</sup> Kuki Abisirayeli benshi baguye mu mutego wa Balamu? Bahugije mu binezeza, bibagirwa ibyo Yehova yari yarabakoreye byose. Hari impamu nyinshi zagombaga gutuma babera lmana indahemuka. Yari yarabavanye mu bubata bwo muri Egiputa, ibaha ibyokurya bari mu butayu, kandi irabarinda bagera amahoro ku mupaka w'lighugu k'Isezerano (Abaheburayo 3:12). Nyamara barashutswe bagwa mu mutego w'ubusambanyi. Intumwa Pawulo yaranditse ati: "Ntitugasambane nk'u-ko bamwe muri bo basambanye, bigatuma hagwa abantu" benshi.—1 Abakorinto 10:8.

#### **Gucukumbura ibintu by'agaciro byo mu Ijambo ry'lmana**

#### **it-1 359 par. 1-2**

#### **Imbibi**

Imiryango y'Abisirayeli yagiye ihabwa gakondo bashingyi ku bintu bibiri: ubufindo n'uko umuryango wanganaga. Ubufindo bwagaragazaga aho buri muryango wari gutuzwa, niba ari mu magepfo, mu majyaruguru, iburasirazuba, iburangezuba, mu bibaya cyangwa mu misozi. Iyo bakoraga ubufindo, umwanzuro bafataga wabaga uturutse kuri Yehova. Ibyo byatumaga hatabaho ishyari n'amakimbirane (Img 16:33). Bityo rero, kuba Yehova ari we wabaga ayoboye icyo gikorwa,

byatumaga buri muryango uhabwa ahantu hahuje n'ubuhanuzi Yakobo yavuze agiye gupfa, buboneka mu Ntangiriro 49:1-33.

Iyo ubufindo bwamaraga kugaragaza aho buri muryango wari gutuzwa, noneho hakurikiragaho igikorwa cya kabiri ari cyo kureba uko umuryango ungana, kugira ngo bamenye aho imbibi za gakondo yawo zari kugarukira. Bibiliya igira iti: "Muzagabanye icyo gihugu mukoresheje ubufindo, mukurikije imiryango yanyu. Umuryango ufite abantu benshi uzawuhe gakondo nini, ufite bake uwuhe gakondo nto. Aho ubufindo buzerekana ko ari ah'umuryango uyu n'uyu, ni ho uwo muryango uzahabwa" (Kb 33:54). Aho ubufindo bwagaragazaga ko umuryango ugomba gutura ntihahindukaga, ariko uko hagombaga kuba hangana byo byashoboraga guhinduka bitewe n'uko umuryango ungana. Urugero, igihe babonaga ko aho umuryango wa Yuda wahawe hari hanini cyane, bafasheho igice bagiha umuryango wa Simeyoni.—Ys 19:9.













